



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCLI. ad annum CCCCLXXV.

**Parisiis, 1644**

Epistola XVIII. Simplicii papæ ad eumdem.

**urn:nbn:de:hbz:466:1-14887**

sistas, maximis vndique rebus astringeris: nec dilectioni tuæ fas est id segnus operari, quod ad animæ tuæ causam, honoris æstimationisq; respectum non dubitas pertinere. Opportunitatibus ergo repertis, clementissimi principis voluntatem incessabiliter pro fide catholica supplicando, & ab his sedulo reuocare quæ nocua sunt dogmati Christiano, & secundum hæc quæ mandamus, informare crebro, inque eam partem quæ amica sit veritati, potius instare non desinas, & (vt sanctum Timotheum venerandus apostolus Paulus instituit) opportune, importune obsecrando, insinuando, exponendoque nullatenus allegare cessabis, & nobis subinde quæ gerantur, quæ gerenda sint, veraciter indicare, vt creditorum tibimet dispensatione dominica talentorum in hac multiplicatione fidelis seruus ostendaris, si non tantum in ecclesia cui præsides, sed vbi cumque potueris, pro vnitate catholica & pro paternis definitionibus suadere non renuas. Data Idibus Iuliis, Seuerino viro clarissimo consule.

2. *Tim. 4.*

## N O T A.

Ioannem orthodoxū  
Alexandria  
episcopum  
Zeno amo-  
uit, eique  
Moggum  
substituit.

\* *Epistola.*] Qua occasione hæc epistola scripta sit, dixi supra in notis epistolæ decimæ quintæ verbis *sanc&t;e memoria Timothei*. Subrogatum in locum Timothei Ioannem Zeno imperator impulsu Acacii episcopum amouit, eique nefandum illum Petrum Moggum ante deicetum hæreticum substituit, eo prætextu quod periturus esset Ioannes: vtpote qui iurasset non futurum, vt pateretur se aliquando in Alexandrinum episcopum eligi. Vide Baronium anno 482. num. 11. & 12.

## \*EPISTOLA SIMPLICII

AD EVMDEM.

Mirari se ait, Acacium de Alexandrinæ ecclesiæ vexationibus nequaquam se monuisse: hortatur autem vt imperatori insinuet, vt eidem ecclesiæ pax optata reddatur.

*Dilectissimo fratri Acacio, Simplicius.*

**C**O GITA TIONVM ferias non habemus: nec enim quiescere nos causa permittit, quam si relinquamus, apud Christum Dominum nostrum, cuius interest, \* excusabiles sumus. Et mirum est, dilectionem tuam tot emen-  
sis temporibus, & tot opportunitatibus inde venientibus,

\*f. inex-  
cuſabiles

nihil nos de Alexandrina ecclesia , quæ tam grauiter quantitur, instruere voluisse ; cum monere te nec increpatio nostra destiterit, vt, participata solicitudine, literas meas apud Christianissimum & clementissimum principem præsentibus tuæ dilectionis prosequereris alloquiis , & instituti veteris memor , in orthodoxorum defensionem nobiscum sic semper incumberes, ne quisquam nostrum , Christiana plebe pereunte, reatum deditio[n]is incurrat, & mercenarius potius videatur esse quam pastor. Vnde hortamur dilectionem tuam, vt opportune atque importune piis auribus insinuare non desinat, quatenus remotis scandalis quæ in Alexandrinam ecclesiam recidiuis aribus irruerunt, pax optata reddatur, & celeriter vigilancia tuæ profectus , posthabitatis difficultatibus, inducatur. Data octauo Idus Nouembris , Seuerino consule. directa per Restitutum.

N O T A.

\* Epistola. ] Perbreues hasce & aculeatas literas postremas ad Acacium dedit Simplicius , quibus illum aduersus haereticos ad prælium euocare conatur ; sed frustra, vtpote qui transfuga factus in castris aduersariorum militet , sollicitaque apud imperatorem agat, vt duo venenati colubri , truculentæ bestiæ & faces haereticorum , Cnaphæus & Moggus Antiochenæ & Alexandrinæ sedi obtrudantur, legitimique posseflores Calendion & Ioannes episcopi inde expellantur.

ANNO CHRISTI 474. CONCILIVM VIENNENSE.  
IN CAVSA ROGATIONVM TRIDVANARVM  
ANTE ASCENSIONEM DOMINI CELEBRANDARVM,  
a beato Mamerto Viennensi episcopo sub Simplicio  
papa, <sup>b</sup> circa annum Christi CCCCLXXIV. habitum.

N O T Æ.

\* Concilium. ] De rebus in hac Synodo gestis chronicon Cameraense a reuerendo & eximio viro ac domino Georgio Coluenerio sacrae theologiae academiæ Duacensis doctore ac professore absolutissimo , collegiatæ ecclesiæ ad sanctum Petrum canonico & scholastico , antiquitatis amantissimo , paucos ante annos editum , ac notis illustratum , libro primo, capite octauo , ista : *Huius temporibus habita Synodus Vienna urbe describitur; ad quam Galliarum episcopi a beato*